

347

春秋分記

卷之四

四

四

四

四

四

四

四

四

四

四

四

四

卷之四

四

四

四

四

四

四

四

四

四

四

四

四

總校官原任中允臣王燕緒

校對官主簿臣汪日贊

謄錄監生臣李大綬

欽定四庫全書

春秋分記卷三十三

宋程公說

撰

書十五

疆理書第九

山

四嶽

昭四年
下同

東嶽泰山

襲慶府奉符縣西北

南嶽衡山

潭州衡山縣泐湘千里九向九背

西嶽華山

在舜為西嶽周禮為中嶽蓋周宅洛邑與冀不同大
華今在華州華陰縣巨靈劈之以通河流少華在華
州鄭縣其山聯屬東北至冀東南至豫西南至梁西
北至雍四州之境在焉春秋分秦晉界

北嶽恒山

中山府曲陽縣西北連

關

真定府慶源府媯州蔚州

界

三塗

西京伊陽縣有三塗山或謂伊闕大谷輶轅是三道
非也

陽城

西京登封縣東北有陽城山洧水所出

大室

地理志云武帝置嵩高縣以奉大室號為中嶽有少室在大室之西今登封縣地

邾鄆

宣三年

成王定鼎于邾鄆在洛陽西邾鄆二山相屬

大行

襄二十三年

地理志云東大行在河內山陽縣西北大行在河內野王縣西北魏郡鄴縣北按北山起於孟州濟源縣界一名皇母山一名女媧山述征記曰大山首始於

河內北至幽州凡八陁第一軹關陁在濟源第二大
行陁長四十里第三白陁今在懷州河內縣餘五陁
在鄴中山幽州界山陽今澤州野王今懷州禹貢曰
太行恒山至于碣石入于海北條地脉於此始畢壯
哉

萊柞

昭七年

魯地今萊蕪縣

具

敖

桓六年

二山皆魯地在平陰

敖

鄆

宣十二年

二山皆鄭地鄭州滎陽縣西北有敖山孟州河陰縣有鄆山鄆在敖山東南

穀

僖三十三年

西京永寧縣西北有三嶠山一名欽崙山嶠有二陵自東嶠至西嶠三十五里東嶠長坂數里車不得方軌西嶠石陂十二里其地今又屬陝州漢之澠池界

方城

僖四年

崗阜自唐州比陽縣相比連接西至方城縣又至西

汝州葉縣南故號方城楚國方城以為城蓋北門之

險

繹

文十三年

襲慶府鄒縣此山東西二十里高秀獨出

首山

宣二年

河中府河東縣東南

靡笄

成二年下同

齊州長清縣有此

華不注

齊州歷城縣有此

梁山

成五年

爾雅曰梁晉望也公羊曰河上之山也今在同州韓

城縣西是為大梁山及有小梁山亦在邑界禹貢梁

山韓奕篇奕奕梁山即此

衡山襄三年

湖州南

巫山襄十八年下同

東平府東北

梅山

鄭州密縣東北

魚齒

汝州襄城縣

荊山

昭四年
下同

襄陽南漳縣東北有此山

中南

地理志云在扶風武功縣東太一山也今在京兆鳳翔之間自歧山郿縣南連延東至京兆長安縣西武功縣南周之名山關中記曰在天中居都南一名中南一名地梯

歧

地理志云在扶風美陽縣西北今在鳳翔府岐
山縣東北河圖括地象曰岐山在崑崙東南為
地乳周之興也鶯鶯鳴人謂之鳳凰堆水經注
其峯高峻迥出諸山亦名天柱岐水出焉合漆
入渭

塗山

壽春府

羽山

昭七年

海州懷仁縣

北山

昭二十二年

王田北山杜預注北邙也在西京洛陽縣登之

見孟津

小別大別

定四年

禹貢曰導嶓冢至于荆山內方至于大別又曰嶓冢導漾東流為漢又東為滄浪之水過三澨至于大別南入于江禹治山通水南條荆山首

起嶠冢至于荆山又為內方大別二山內方今
復州之竟陵大別今漢陽之漢川也南條其尾
至此而極亦壯偉矣孔安國釋南入于江謂觸
山迴南入江蓋漢水至大別山為大別所擊故
回波以南入于江非本性欲南也左傳吳師伐
郢楚子常濟漢而陳自小別至于大別京相璠
春秋土地名曰大別漢東山名也在安豐縣南
顏師古曰大別在廬江安豐杜預釋地曰二別

在江夏界近漢之名無緣乃在安豐也案地說
言漢水東行觸大別之陂南與江合則與尚書
杜預之說同蓋小別在今德安府大別在今漢
川縣楚自郢濟漢又自小別至大別地形順便
今大別山之北漢口即漢水入江處且安豐至
江夏一千五百里相距甚遠又淮水之南非江
漢合流之地京相璠顏師古安豐大別之說斯
不足證